

奇姓通卷七  
漢京兆人。好古學。道班。固。薦於東平王。倉。又唐有晉灼。著漢書集註十三卷。

奇姓通卷七終

奇姓通卷八 去聲下

慎到

印段

問至

員半千

信世昌

奮揚

靳歙

寸居敬

論惟貞

憲義渠

頓弱

建德



蔓成然

良當

健武

遜揆

鄮良鉞

曠唯

奂忠

按攤

漫智

汗明

漢德

貫雲石

炭蚰

爨深

暗伯

杆者

灌夫

盼子

獻則

諫忠

線榮

縣成

院亨謙

練定

賤瓊

戰正

繚秘

硯彌堅



辨武

弁廣明

便樂成

召平

妙齡

釣宏

少年唯

淖齒

豹皮公

教子欬

孝發

道同

暴昭

造父

到漑

導龍

昌政

播軌

破石

柘稽

怕善

射稽

化輝

夜龍

霸捩

庫鈞

壯馳茲

亢思謙



曠伯達

諒輔

况長寧

浪逢

暢曾

礪魯賜

象武

抗徐

訪式

慶鄭

姓偉

令勉

勝臀

正光

敬播

亘寬

後敏

咎犯

右公弼

鬪穀於菟

后緄

邱成子

授異衆

謬忌

賈充國

豆如意

救父

漏瑜



壽光

繡君賓

儻貸季

糗宗

富家謨

曰季

啖助

念賢

梵禹餘

汎昭

奇姓通卷八

去聲下

江陰夏樹芳茂卿輯

華亭陳繼儒仲醇校

慎到

韓大夫治刑名之學。所撰二十四篇。申韓稱之。又宋有諫官慎到。睢州人。上章劾秦檜。



印段

左傳。印段。字子石。鄭大夫。鄭伯享趙孟子。石賦蟋蟀。趙孟曰。善哉。保家之士也。

問至

南北朝人。又本朝有問智。成化進士。

員半千

員。音運。字榮期。齊州全節人。其先世以忠

烈。自比伍員。因自姓員。總角通書史。舉童子高第。唐高宗時。官至弘文館學士。出刺隸。斬三州。以清白稱。及卒。吏民哀哭野中。又宋有員卓。著遯甲車征賦一卷。

信世昌

字雲甫。東平人。自號中隱。善画山水。學於沈士元。有出藍之譽。蓋黃華之後。又一變。



者也。

### 奮揚

左傳。費無極言於楚子曰。建與伍奢將以方城之外叛。齊晉又交輔之。將以害楚。王信之。問伍奢。伍奢對曰。君一過多矣。何信於讒。王執伍奢。使城父司馬奮揚殺太子。未至而使遣之。三月。太子建奔宋。王召奮

揚。奮揚使城父人執已。以至。王曰。言出於余口。入於爾耳。誰告建也。對曰。臣告之。君王命臣曰。事建如事余。臣不佞。不能苟貳。奉初以還。不忍後命。故遣之。王曰。而敢來。何也。對曰。使而失命。召而不來。是再奸也。逃無所入。王曰。歸。從政如他日。

### 斬歛



奇姓通卷八  
漢元功十八侯。宋有斬裁之。潁昌人。少聞伊洛淵源。時胡瑗在太學。以朱長文斬裁之爲師。

寸居敬

嘉靖四川梓潼知縣。浪穹人。

論惟貞

論瑀。字惟貞。以字行。開元末。爲左武衛右

將軍。遷光祿卿。李光弼討史朝義。以惟貞守徐州。號飛龍將。

憲義渠

漢長史。憲氏之先。本爲周之布憲。司寇之屬官也。其後以爲姓。

頓弱

國策。頓弱以名。實說秦王。秦王曰。山東之



戰國可兼與。頓子曰。韓天下之咽喉。魏天下之胸腹。王資臣萬金而游。聽之韓魏。入其社稷之臣於秦。卽韓魏從而天下可圖也。秦王曰。寡人之國貧。恐不能給也。頓子曰。天下未嘗無事也。非從卽橫。橫成則秦帝。從成則楚王。秦帝卽以天下恭養楚王。卽王雖有萬金。弗得私也。秦王曰。善。乃資

萬金使東遊韓魏。入其將相。北遊燕趙而殺李牧。齊入朝。四國畢從。頓子之說也。又頓起。宋熙寧中爲教授。東坡相往來倡和。坡答詩云。側聞頓夫子。講道出新言。又云。殿廬直宿真如夢。猶記憂時策萬言。及第時坡爲編修官。

建德



晉書通卷八  
五十二、五十三  
孝景時。鼂錯以過削趙常山郡。吳楚反。合謀起兵。其相建德諫不聽。遂燒殺德。功臣表。遠侯橫父建德以趙相死。事子侯。

### 蔓成然

左傳。楚靈王出奔。縊於申亥之室。乙卯夜。棄疾使船人從江上呼曰。靈王至矣。江人愈驚。又使蔓成然告如初。

### 良當

漢良當註樂經。

### 健武

邯鄲人。宋遺民。金海陵王敗於采石。武聞之。遮殺其歸卒。以待宋師。宋師不至。遇害。見石湖文。

### 遜揆



唐遜揆爲李克用所執。罵不絕口。克用鋸之。揆曰。狗奴鋸人。當以板束。終不爲動。

鄮良鉞

吉州人。正統中。湖廣咸寧訓導。

曠唯

漢人。見印藪。

奐忠

歸州人。永樂中任知州。

按攤

海北海南宣慰使。海康與安南占城諸夷接境。海島生黎。叛服不常。按攤威望素著。夷人帖服。生黎王高等二十餘洞。皆願輸貢稅。

漫智



宣德舉人。

汗明

國策。汗明見春申君。候問三月而後得見。談卒。春申君大悅之。召門吏爲汗先生著客籍。五日一見。汗明曰。君亦聞驥乎。夫驥之齒至矣。服鹽車而上太行。蹄申膝折。尾湛。肘潰。漉汁灑地。白汗交流。外阪遷延。負

棘而不能上。伯樂遭之。下車攀而哭之。解紵衣以羃之。驥於是俛而噴。仰而鳴。聲達於天。若出金石聲者。何也。彼見伯樂之知已也。今僕之不肖。阨於州部。堀穴窮巷。沈沔鄙俗之日久矣。君獨無意。湔祓僕。使得爲君高鳴。屈於梁乎。

漢德



國朝漢德金縣人。國子生。不就仕。絕跡名利。孤清高潔。士大夫重之。

貫雲石

元畏吾人。生而神彩秀異。膂力絕人。年十二三時。健兒驅三惡馬疾馳。持槊特立待馬。至騰上。越一而跨二。運槊生風。觀者辟易。及長。折節讀書。仁宗朝拜翰林學士。既

乃稱疾居江南。賣藥錢塘市中。自號酸齋。時稱樂府歌詞第一。

炭蚘

西京雜記有炭蚘。又漢有炭蚪。長安人。

爨深

晉古興太守有爨深碑。今在曲靖。又漢有爨肅。爲河南尹。見後漢書。又唐有爨歸王。



為南寧都督。

暗伯

元唐兀人。弱冠入宿衛。性嚴重。剛果。有大志。

杆者

功臣表。杆者以小月氏王將軍眾千騎來降。封軻講侯。師古曰。軻與狐同。講音之涉。

反。

灌夫

字仲孺。因父歿。奮曰。願取吳王若將軍頭。以報父仇。遂被甲持戟而往。大破吳軍。以此名聞天下。後為淮陽太守。入為太僕。

盼子

盼見姓苑。齊威王使盼子守高唐。趙人不



奇始通卷八  
一六十一六九四  
敢東漁於河。

獻則

國策。獻則謂公孫消曰。公。大臣之尊者也。數伐有功。所以不爲相者。太后不善公也。芊戎者。太后之所親也。今亡楚在東周。公。何不。以秦楚之重資。而相之於周乎。楚必便之矣。是芊戎有秦楚之重。太后必悅公。

公相必矣。

諫忠

漢侍書御史。

線榮

元人。字子華。大德間縣尹。時永安寺僧搆豪勢。壓鄉民。榮在任。每挫辱之。一日江浙省平章也。速答兒因獵至其寺。僧譖之。遂



古始通卷八  
十一世六四三  
使辱榮。榮抗辭以對。容氣儼如。左右皆懾。  
由是名重於時。稱其剛介有古風焉。又洪  
武中有線雍。分水知縣。

### 縣成

魯人孔子弟子。又周有縣子石。墨子弟子。  
又漢有縣芝。甘陵相。

### 院亨謙

古田人。元祐間知德化縣。又國朝有院  
賓。字君聘。山西振武衛人。弘治進士。歷官  
參議。

### 練定

宋練定。字公權。嘉祐中進士。以抗直忤宰  
相呂惠卿。蹭蹬不得志。有青丘集二十卷。  
遺世。國朝練子寧。名安。以字行。江西新



涂人。洪武乙丑會試第一。廷試第一。建文  
 初為御史大夫。靖難師起。子寧執李景隆  
 於朝。數其奸邪不忠。請速誅之。不聽。憤激  
 大呼曰。賣陛下者必此賊臣。備員執法。不  
 能摧奸。請先伏誅。不懌。遂罷朝。文皇即  
 位。縛子寧至。語不遜。斷其舌曰。吾欲效周  
 公輔成王耳。子寧手探舌血。大書地上。成  
 王。安在。遂族其家。姻黨坐戍邊者五十一  
 人。所著有金川玉屑集。正德中。李夢陽刻  
 之行世。

賤瓊

漢北平太守。

戰正

本朝戰正。字德義。高密人。父恩。沒於大寧。



正親抵大寧尋父骨。至則徧訪弗獲。仰天  
 號泣。忽一老人來告其處。正求之果得。遂  
 破中指出血。滲骨乃收。以歸。後中鄉舉。未  
 仕而卒。又宋有戰德淳。善画山水人物。甚  
 小。青衫白馬。烏巾黃履。不遺毫髮。又作紅  
 花綠柳。清江碧岫。咫尺之間。遙蕩千里。見  
 画繼。

繚秘

音戀。漢南郡太守。

硯彌堅

元文類。硯彌堅。應城人。至元中。召拜國子  
 司業。屢以陽城忠孝之說。訓迪諸生。歲餘  
 以疾辭歸。問學淳正。爲人清苦。嚴重。士論  
 尊之。



辨武

漢辨武。淮南名士。

弁廣明

劉曜太史有弁廣明。弁一作邠。呂氏攷古圖有邠敦銘云。王命於宣榭。呼太史策命邠。注。宣榭。宣王之廟。

便樂成

功臣表。便樂成。以少府與大將軍光定策功。封爰氏肅侯。

召平

史記世家。召平為齊相。與東陵侯召平又一人也。功臣表。平子奴。以父功。封黎侯。

妙齡

河州衛指揮。弘治辛酉。領兵固原。殺賊戰。



奇姓通 卷八  
十五、廿七、卅八、十九  
歿。又宋有妙願真。南陽人。善畫。暈澹有巧致。山谷嘗跋之。見圖繪寶鑑。

鈞宏

睢州人。宋紹興中進士。

少年唯

漢下邳令。

淖齒

楚人。燕伐齊。楚使將兵救齊。齊立爲相。淖齒欲與燕分齊。乃數齊湣王三臯。擢湣王之筋懸於廟梁。宿昔而歿。又漢有披香博士。淖方成。淖音鬧。

豹皮公

魏騎將。三國時人。

教子欵



國策。魏因富丁且合於秦。趙恐請效地於魏而聽薛公。教子欬謂李兌曰。趙畏橫之合也。故欲效地於魏而聽薛公。公不如令主父以地資周最而請相之於魏。周最以天下厚秦者也。今相魏。魏秦必虛矣。齊魏雖勁。無秦不能傷趙。魏王聽是。輕齊也。秦魏雖勁。無齊不能得趙。此利於趙而便於

周最也。

孝發

宋靖州知州。國朝有孝廉。弘治中雞澤縣丞。

道同

一統志。洪武中番禺知縣。性廉潔。視民如子。時永嘉侯朱亮祖城廣東。縣民羅氏者



納女於亮祖。兄弟因怙勢凌人。同按法治之。亮祖竟奪去。復以他事答同。同遂歷數其事奏之。疏未至。亮祖亦誣同抗訕。先聞。上不知其由。先命使取同首級。適同奏亦至。上以其職卑而直言大臣有骨梗風。特遣使宥之。竟坐亮祖臯而同已先歿矣。邑民甚悼惜之。

暴昭

潞州人。性耿介。有峻操。洪武中為大理寺少卿。讞獄平允。居恒麻履布袍。不改其素。及為兵部尚書。值靖難師起。義形於色。誓以歿殉之。尋被夷族。宣德中侍郎王士嘉弔其墓。稱為古之遺直云。

造父



姓苑造父。顯帝之後。周穆王時。以功封趙城。

到漑

南史。到漑。字茂灌。與兄沼弟洽俱知名。梁武帝最所親愛。累官兵部尚書。時任昉為御史中丞。又有彭城劉孝標。劉苞。劉孺。吳郡陸倕。張率。沛國劉顯。與漑交。號曰蘭臺。

聚。有集二十卷。時以漑洽方之。二陸云。

導龍

南北朝。導龍為華州刺史。時伏德與梁景獻反關中。龍討平之。

冒政

字有恒。秦州人。武宗朝。官都御史。巡撫寧夏。劉瑾陷之。逮繫。瑾誅。復其官。



播軌

姓譜播軌殷之賢人。

破石

倉公列傳齊中郎破石病淳于意診其脈  
曰肺傷不治當後十日丁亥洩血死卽後  
十一日洩血而死破石之病得之墮馬僵  
石上所以不中期死者師言曰病者安穀

卽過期不安穀卽不及期其人嗜黍黍主  
肺所以過期所以洩血者診脈法曰病喜  
養陰處者順死喜養陽處者逆死其人喜  
自靜不躁又久坐伏几而寐故血下泄

柘稽

越大夫同范蠡行成於吳又漢有柘溫舒  
爲閩中刺史



怕善

唐怕善。以布衣策干韓愈。愈轉薦裴度。用說法擒吳元濟。宋有怕錢。明經為國子博士。

射稽

韓非子。宋王築武宮。謳癸倡。行者止觀。築者不倦。王聞。召而賜之。對曰。臣師射稽之

謳。又賢於癸。王召射稽使之謳。行者不止。築者知倦。王曰。其謳不勝如癸美。何也。對曰。王試度其功。癸四板。射稽八板。擿其堅。癸五寸。射稽二寸。又漢有射登。為蜀郡太守。

化輝

普安人。宣德中寧遠知縣。



夜龍

靈帝光和中。雒陽男子夜龍。以弓箭射北闕。見五行志。國朝有夜珠。正德間任光祿寺丞。

霸棚

見益州耆舊傳。

庫鈞

漢書音義曰。庫姓。卽倉庫吏之後也。今羌中有此姓。庫音舍。乃鈞之後。竇融累世在河西。知其土俗。爲張掖屬國都尉。是時金城太守庫鈞等五人。竝州郡英俊。融皆與厚善。乃推融行河西五郡大將軍事。五郡民俗質樸。而鈞等政亦寬和。上下相親。晏然富殖。修兵馬。習戰射。明烽火之警。光武



卽位融等歸誠。下詔封融爲安封侯。庫鈞爲輔義侯。

壯馳茲

晉大夫吳人趙簡問賢人得壯馳茲。

亢思謙

字子益。山西臨汾人。嘉靖丁未進士。改庶吉士。歷官左布政。又宋有亢軫。

曠伯達

國初詩人。

諒輔

漢洛陽令。大旱禱雨。乞以身自焚。須臾雲合。雨澍。一郡沾洽。

况長寧

諸葛恪傳云。况長寧。庶幾君子臨事而懼。



奇如通 卷八 三十三 二五 共 世  
好謀而成。蜀爲蕞爾之國。所規所圖。惟守  
與戰。

浪逢

晉書永嘉中。張平保青州。爲其下浪逢所  
殺。

暢曾

唐暢曾撰水德經一卷。暢當亦唐詩人。貞

元中爲太常博士。又宋暢大隱。字潛道。洛  
陽人。師程氏。今程氏遺書二十五卷。卽其  
所記也。

碭魯賜

漢東海太守。申公弟子。

象武

韓非子。李斯上秦皇書。令象武發東郡之



卒闕兵於境上。

### 抗徐

字伯徐。丹陽人。鄉邦稱其膽智。初試守宣城長。悉移深林遠藪。椎髻烏語之人。置於縣下。由是境內無復盜賊。後爲中郎將。擊太山賊公孫舉等。破平之。斬首三千餘級。封東鄉侯。見漢紀。

### 訪式

唐訪式。字叔衿。吳人。舉進士。有高行。名著雍咸間。訪去聲。

### 慶鄭

左傳。秦饑。使乞糴於晉。晉人弗與。慶鄭曰。背施無親。幸災不仁。貪金不祥。怒隣不義。四德皆失。何以守國。虢射曰。皮之不存。毛



將安傳。慶鄭曰。棄信背鄰。患孰恤之。無信患作。失援必斃。君其悔是哉。又漢有慶普。字孝公。同戴德。戴聖受禮於孟卿。由是禮有大戴小戴。慶氏之學。

姓偉

漢書食貨志。用富賈臨淄。姓偉等乘傳求利。交錯天下。偉家業蘊隆。巨貲五千萬。

令勉

漢文時。令勉爲車騎將軍。擊匈奴。屯飛狐。以備胡。又國朝。令曦。字景陽。洪武間。任監察御史。剛正不阿。劾去都御史劉觀。及各道壞法御史。朝政肅然。

勝臀

國策。勝臀。齊人。孟嘗君謙坐。謂勝臀曰。願



聞先生一言以補文闕。勝臀曰。臣願以足下府庫財物收天下士。能為君決疑應卒。若魏文侯之有田子方。段干木也。田文於是乎下士。兆客三千。蓋勝臀之言啓之矣。

正光

秦人飛刺趙高而歿。又漢武帝時有正錦。獻寶鼎。

敬播

貞觀中。遷太子司議郎。與令狐德芬等撰晉書。房玄齡嘗稱為陳壽之流。以顏師古所著漢書文繁。令撰其要為四十篇。又五代史有敬新磨。後唐莊宗獵於中牟。蹂踐民田。中牟令當馬而諫。莊宗大怒。令叱去。斬之。伶人敬新磨者。率諸伶走追其令。擒



奇姓通卷八  
至馬前數而讓之曰汝爲縣令獨不聞天子好田獵乎奈何縱民稼穡以供歲賦何不且饑餓汝民以待天子馳逐也汝臯當死急請行刑諸伶復共唱和於是莊宗大笑赦之

### 巨寬

漢祖時爲廬江郡丞

### 後敏

當塗人永樂間進士授行人出使有勞績過衛輝謁比干墓弔以詩云七竅纔刳血未乾赤旗蚤已動嶠函憂時力諫心徒切爲國身殲分所甘一死特關宗社重千年還起佞諛慚荒丘古廟朝歌北慨念孤忠幾駐驂陞工部員外郎歷陝西叅議爲奸



奇姓通 卷八  
人所陷。死於塗。衆皆哀之。又五代飛龍使  
有後贊。

### 咎犯

晉平公好樂。敢有諫者。死。國人憂之。有咎  
犯者。乃隱士也。諫以五害。今近臣不敢諫。  
遠臣獨不得達乎。公曰善。乃屏鐘鼓。除竽  
瑟。遂與咎犯參治國。

### 右公弼

漢人見印藪。

### 鬪穀於菟

楚若敖娶於邛。生伯比。敖卒。從母畜於邛。  
淫於邛子之女。生子文。邛夫人使棄之。夢  
中有虎乳之。邛子田。遂收之。楚人謂虎爲  
於菟。謂乳爲穀。故名。楚成王立子文。代公



子元爲令尹。子文因鬪般之殺子元也。緇布之衣以朝。鹿裘以處。未朏而立於朝。日晦而歸食。自毀其家以紓國難。於時齊桓方霸。楚邦多難。子文量力而動。舍命不渝。治兵於睽。終朝而畢。不戮一人。又天文書。黃帝使鬪苞授規。

后緝

晉人與永和修禊。詩不成。罰酒三觥。

邱成子

左傳。邱成子自魯聘晉。過於衛。右宰穀臣止而觴之。陳樂而不作。酣畢而送以璧。成子不辭。僕曰。不辭何也。成子曰。夫止而觴我。親我也。陳樂不作。告我哀也。送我以璧。記我也。由此觀之。衛其亂矣。行三十里而



奇如通 卷八  
三  
吳  
聞衛作亂。右宰穀臣歿之。成子於是迎其  
妻子。還其壁。隔宅而居之。

授異衆

漢丹陽人。

謬忌

與李少君同師。勸武帝求神仙。封禪書。亳  
人謬忌。奏祠太一方曰。天神貴者太一。太

一佐曰五帝。用太牢七日為壇。開八通之  
鬼道。於是天子令太祝立其祠長安東南  
郊。常奉祠如忌方。

賈充國

字德卿。漢博士。

豆如意

漢豆如意。光武時代。伐匈奴。封關內侯。又南



奇如通 卷八  
北朝。豆代田以戰功封長廣公。

救父

救父。漢諫議大夫。又有救赫。江都人。淮南王從事。

漏瑜

字元瑜。山陰人。正德中貢士。有詩名。

壽光

漢章帝時人。能勘鬼神。令自縛見形。

繡君賓

漢書游俠傳有繡君賓。馬領人。

儻貸季

帝紀。儻貸季。岐伯之師。炎帝命儻貸季理色脈。對察和齊。摩踵。訕告以利天下。而人得以繕其生。素問。天師對黃帝云。我於儻



奇如通名  
貸季理色脈。已二世矣。理色脈者。移精變氣。色以應日。脈以應月。

糗宗

糗。去久切。風俗通。漢有糗宗。

富家謨

文詞雄邁。奇氣鬱勃。張說與徐堅論曰。富嘉謨文。如孤峯絕崖。壁立萬仞。濃雲轉興。

震雷迅發。若施之廊廟。則駭矣。仕唐爲晉陽尉。北京三傑。

曰季

晉人薦冀缺於朝。文公以爲下軍大夫。

啖助

列傳。唐啖助。趙州人。善春秋。考三家短長。縫綻補闕。號集傳。凡十年。乃成。門人趙匡。



陸贄其高弟也。又符秦將軍啖鐵射中姚  
萇制勝。

### 念賢

南北朝念賢。枹罕人。少時游學。遇善相者  
衆共招之。賢歎曰。男兒死生有命。富貴皆  
在天。何用相乎。魏永熙間。官至都督。秦河  
二州刺史。進爵安定郡公。

### 梵禹餘

連江人。紹興進士。

### 汜昭

漢汜昭。桓靈間人。濟北英賢傳。與戴所。徐  
晏。夏隱。劉彬。號濟北五龍。晉汜衷。與索靖  
等馳名。海內人號燉煌五龍。又漢汜騰。字  
無忌。舉孝廉爲郎中。散家散五十萬以施。



宗族。柴門灌園。琴書自適。汜音帆。又音范。

奇姓通卷八終







